

VII դարի 30—40-ական թթ. պարսկա-բյուզանդական հակամարտությանը փոխարինեց արաբա-բյուզանդականը և Հայաստանը կրկին դարձավ պատերազմական գործողությունների թատերաբեմ։ Բյուզանդական կայսրությունը չկարողացավ լուրջ դիմադրություն ցույց տալ խալիֆայությանը, որի հարվածների տակ կործանվեց Սասանյանների պետությունը¹։ Պարսկա-բյուզանդական երկարատև նվաճումների ամբողջ ծանրությունը կրած հայ ժողովուրդը սկսեց ճաշակել նաև նրանց պարտությունների դառնությունը։

Կոստաս II-ը (641—668) շարունակում էր Մավրիկիոսի (582—602) ժամանակ արդեն ծրագրային բնույթ ստացած նվաճողական քաղաքականությունը Հայաստանի հանդեպ, որի էությունը երևում է Մավրիկիոսի հրամանով խոսքով II Փարվեզին (590—628) գրված «գիր ամբաստանության» բովանդակությունից²։ Հայկական վաղ ֆեոդալական պետության վերացումից (428 թ.) հետո օտար զավթիչների նվաճողական քաղաքականությունը, հրկրի ներքին ֆեոդալական պառակտման պայմաններում, VII դարի 30-ական թթ. վերջին Հայաստանը հասցրեց խոր քաղաքական ճգնաժամի, որի մասին վկայում է Սեբեոսը. «Անմիաբան լեալ ամենայն ազատացն՝ կորուսին գերկիրս Հայոց»³։ Ֆեոդալական դարաշրջանում օտար նվաճողների վարած քաղաքականությունը (որն արտահայտվում էր զանգվածային գաղթերով, ասիմիլյացիայով և բնաջնջմամբ) մոխրացնում էր հայ ժողովրդի կենսական ուժերը⁴։

Բյուզանդական կայսրությունը, միջազգային այնպիսի բարդ իրավիճակում, որպիսին էր Արաբական խալիֆայության նվաճումների սկզբնական ժամանակաշրջանը, Հայաստանի հանդեպ վարած քաղաքականության ոլորտում խճճվել էր իր սեփական մեքենայությունների մեջ։ Այդ են վկայում բյուզանդական զորավար Պոռֆիրիոսի վարքագիծը և դրա հետևանքները, Սմբատ խոսրով Շում Բագրատունու որդու՝ Վարազդուրիոսի և Թեոդորոս Ուտունու հետ կապված իրադարձությունները, բյուզանդական պաշտոնյա Թումասի գործողությունները և այլ դեպքեր⁵։ Նման պայմաններում դժվար էր կայսրության հետ ընդհանուր ճակատով դիմակայել խալիֆայության առաջխաղացմանը։ Հայ-բյուզանդական ռազմական համագործակցությունը կարճատև իրողություն էր։ Հայ ժողովուրդը ստիպված էր պայքարել ոչ միայն արաբական աս-

¹ S⁶ս Ю. Кулаковский. История Византии. Т. III, Киев, 1915, с. 156—159. Е. А. Беляев. Арабы, ислам и Арабский халифат в раннее средневековье. М., 1966, с. 138—139.

² «Պատմութիւն Սեբէոսի», աշխատ. Գ. Վ. Աբգարյանի. Երևան, 1979, էջ 86—87; ն. Ակինյանը գրում է. «Մորիկ կայսր հայ ազգը բոլորովին տկարացնելու համար՝ միայն իրեն շահավոր գաղափար մը կը շինէ. կ'ուզէ կամաց կամաց հայերը բովանդակ Թրակիա փոխադրել, որ հոն վայրենի ազգերու հետ կ'ովելով՝ սպառին» (ն. Ակինյան. Սեբեոս եպիսկոպոս Բագրատունյաց և յուր Պատմութիւն ի Հերակղ. «Մատենագրական հետազոտություններ», հ. Բ. Վիեննա, 1924, էջ 42—43)։

³ Սեբեոս, էջ 134; Հմմտ. «Յովհաննու կաթողիկոսի Դրասխանակերտեցույ Պատմութիւն Հայոց». Թիֆլիս, 1912, էջ 82։

⁴ Այդ իրողությունը պատկերավոր արտացոլվել է Դանիել Վարուժանի բանաստեղծական խոսքում. տե՛ս Ցեղական ոգիին. «Անահիտ», № 3—5, 1907, էջ 56։

⁵ Սեբեոս, էջ 143—144; «Պատմութիւն Ղեւոնդեայ մեծի վարդապետի Հայոց». Ս. Պետերբուրգ, 1887, գլ. Բ, էջ 7։

պատակութիւնների, այլև Բյուզանդական կայսրութեան մեքենայութիւններէ դեմ:

Սեբեոսի «Պատմութիւնը» հիմնական աղբյուր է VI դարի վերջին տասնամյակներ—VII դարի 50-ական թթ. (մինչև 661 թ.) Հայաստանի ներքին կյանքը, հարևան երկրների հետ ունեցած հարաբերութիւնները, VII դարի առաջին տասնամյակների պարսկա-բյուզանդական պատերազմները և այնուհետև արաբական նվաճումների սկզբնական շրջանը լուսաբանելու համար: Փորձենք քննել Սեբեոսի «Պատմութիւնը» հիմնական աղբյուրներում պարունակվող նյութը՝ դեպի Հայաստան կատարած արաբական հերթական արշավանքի մասին, որին բաղմիցս անդրադարձել են հետազոտողները:

Խի զլիսի ժամանակագրական հենքն են կազմում Հերակլ կայսեր (610—641) մահվան, նրա որդիների՝ Կոստանդին III-ի և «Երակլոսի» (641 թ.), այնուհետև թողնալ՝ Կոստաս II-ի (641—668) գահակալութեան առաջին, երկրորդ և հինգերորդ (646 թ.) տարիների մասին եղած տեղեկութիւնները: Խի զլիսն ամբարտում է այսպես. «Եւ եղև ի գալ միւսում ամի եկն զարն Իսմայելի յԱտրպատական, և բաժանեցան յերիս: Առաջ մի յԱլլարատ, և առաջ մի ի Սեպակական գնդին կողմանս, և առաջ մի յԱղուանս: Արդ՝ որք ի կողմանս Սեպակական գնդին՝ արշաւալ սփռեցան և հարեալ զամենայն կողմանս զայնոսիկ սրով սուսերի, առին զաւար և զգերութիւն: Եւ եկին ժողովեցան ի Հէրևան, և մարտան ընդ բերդին, և ոչ կարացին առնուլ: Եկին ի յՈրդսպու, և ոչ նմա ինչ կարացին առնել: Գնացին անտի և շանակեցան յԱրծափս, հանդէպ բերդին առ ջրովն: Եւ սկսան պատերազմել ընդ բերդին, և բազում աւերս վնասուց գործեցին անդ ի բերդէն: Արդ՝ էր նոցա ի թիկանց կողմանէ ել ի ղլուխ անդր յԱսորեանայ կողմանէ՝ որում Կախանակտուցն կոչեն: Արդ՝ իջին ընդ այն արք ի վայր ի բերդէն՝ երթալ խնդրել ի բերդէն Դարանից զաւր յաւանականութիւն իւրեանց: Եւ ետ նոցա Սմբատ Բագրատունի. որդի Վարադ Սահակայ՝ արս իւր զնացեալ ի գիշերի ելին ի բերդն և ոչ զգուշացան տեղւոյն: Եւ գիտացին Իսմայելացիքն զտեղին, և գնացեալ ի նոյն հետին ելին ի բերդն, և կալան զտեղին մինչև ցառաւատն: Եւ արս ժ պահապանս տեղւոյն ըմբռնեցին ի քուն և սպանին»⁶:

Հետազոտողների մոտ այս արշավանքի տարեթիւ մասին ընդհանուր կարծիք գոյութիւն չունի: Եվ դրա պատճառն են հանդիսացել Սեբեոսի «Պատմութիւնը» հաջորդ զլիսի հետևյալ հատվածի առաջին տողերը. «Եւ եղև յամին երկրորդի Կոստանդինի (Կոստաս II—է. Դ.), յամսեանն հոռի, որ ար ԻԳ էր ամսոյն, յաւուր կիրակէի ընդ առաւատս ճշեցին Իսմայելացիքն ի բերդին վերջոյ և առաջոյ, և հարին զնոսա սրով սուսերի: Եւ բազումք գահավէժ լեալ սատակէին: Եվ զկանայս և զմանկունս իջուցին ի բերդէն, կամէին սատակել, և ոչ գոյր թիւ գերոյն. և անասուն պաճարացն բազում յոյժ: Եւ եղև ի վաղիւ առաւատուն եկն եհաս ի վերայ նոցա զաւրավարն Հայոց Թէոդորոս զարու իւրով և յարձակեցաւ ի վերայ նոցա և եհար զնոսա անհուն կոտորածով: Եւ իին նորա երեք հազար ընտիր սպառազէնս յամենայն զաւրացն Իսմայելի, և ոչ որ զերծաւ ի նոցանէ. բայց սակաւ ճողոպրեալք հետևակք երթեալ ամրացան ի Շամբին: Եւ ապրեցոյց տէր յաւուր յայնմիկ զբազմութիւն գերոյն ի ձեռաց Իսմայելացւոցն. և զԻսմայել խորտակեաց կործանմամբ մեծաւ. և մեռան Բ իշխանքն Իսմայելի, Աւթման և Ոգբայ: Եւ եղև յաղթութիւն մեզ զաւրավարին Հայոց»⁷:

է. Դյուլորիեն, Մ. Ղաղարյանը, Մ. Օրմանյանը, Ն. Ակինյանը, Ս. Մեւիթ-Բախշյանը և ուրիշներ այս արշավանքը թվագրում են 643 թ.⁸, Մ. Չամ-

⁶ Սեբեոս, էջ 145:

⁷ Նոյն տեղում, էջ 146:

⁸ Ed. Dulaurier. Recherches sur la chronologie arménienne technique et historique. T. I, Paris, 1859, p. 231—232; M. Ghazarian. Arménien unter der arabischen Herrschaft. Marburg, 1903, S. 29, Anm. 1; Մ. Օրմանյան, Աղդապար-

չյանը՝ 644 թ.⁹, Յու. Կուլակովսկին՝ 647 թ.¹⁰: Հ. Մանանդյանը և, նրան հետեւելով, Բ. Առաքելյանը ու Ա. Տեր-Ղևոնդյանը գտնում են, որ այս արշավանքը, որի ընթացքում գրավվեց Արծափը, տեղի էր ունեցել 650 թ.¹¹: Հ. Մանանդյանի հիմնական փաստարկները հետևյալներն են. 1) «Յամին երկրորդի Կոստանդին» ընթերցվածը աղավաղություն է: «Սկզբնական բնագրում եղած պիտի լինի «յամին Լ երրորդի Կոստանդին» կամ «յամին Թ երրորդի Կոստանդին» և աղավաղումն,— գրում է Հ. Մանանդյանը,— առաջ է եկել Լ կամ Թ և Բ տառերի նմանությունից»։ 2) «Ղևոնդ երեցը,— շարունակում է Հ. Մանանդյանը,— Արծափի առումը դնում է Դվինի առումից տասը տարի հետո»։ 3) «Արծափի առումը,— եղբակացնում է Հ. Մանանդյանը,— դրվելու է, ինչպես տեսնում ենք, Պոռկուպի կնքած զինադադարից առաջ, որի տարեթիվը Թեոփանի մոտ ևս ցույց է տրված 650 թվականին»¹²:

Հակառակ Հ. Մանանդյանի կարծիքի, Ս. Մելիք-Բախշյանը Սերեոսի «Պատմություն»-ը «եւ եղև յամին երկրորդի Կոստանդինի, յամսեանն հոռի, որ ար ԻԳ էր ամսոյն, յաւուր կիրակէի ընդ առաւարտս...» ընթերցվածը ստույգ է համարում: Նա հայտնում է, որ կատարել է «ճշգրիտ տոմարագիտական հաշվումներ ու ստուգումներ» և Արծափի գրավման ժամանակն է համարում 643 թ. օգոստոսի 10-ի կիրակի օրը, նշելով, որ «Կոնստանս Բ» (Կոստաս) թագավորել է 642—668 թթ.¹³:

Ս. Մելիք-Բախշյանը, մերժելով 650 թ. որնպես Արծափի գրավման տարեթիվ, գրում է. «Պատմիչը, խոսելով բյուզանդական կայսր Կոնստանս II-ի գահ բարձրանալու մանրամասնությունների և ուրիշների կողմից նախկինում արտոլված Սմբատ ասպետ Բագրատունու, Վահան Խոռխոռունու և մյուսների ազատություն մասին, ասում է՝ «Եւ եղև ի գալ միւսում ամի եկն զարն Իսմայելի...»: Պատմիչի ասած «եւ եղև ի միւսում ամի...» կլինի 643 թ., որովհետև հայտնի է, որ Կոնստանս II-ը գահ է բարձրացել 642 թ.¹⁴: Իրականությունը, սակայն, այն է, որ «եւ եղև ի գալ միւսում ամի» արտահայտությունը Սերեոսը օգտագործել է Կոստաս II-ի գահ բարձրանալու ոչ թե առաջին, այլ հինգերորդ տարվա (646 թ.)¹⁵ ընթացքում տեղի ունեցած դեպքերի (Վարազ-

պատմ. Կոստանդնուպոլիս, 1913, § 478: Ն. Ա. Կինյան. Մատենագրական հետազոտություններ. հ. Գ, Վիեննա, 1930, էջ 301: Ս. Մ. Մելիք-Բախշյան. Հայաստանը VII—IX դարերում. Երևան, 1968, էջ 53—55, 66 և այլն:

9 Մ. Չամչյան. Պատմություն Հայոց. հ. Բ, Վենետիկ, 1785, էջ 345:

10 Ю. Кулаковский, նշվ. աշխ., էջ 202:

11 Հ. Մանանդյան. Քննական տեսություն հայ ժողովրդի պատմության. հ. Բ, Բ մասի նյութեր, Երևան, 1960, էջ 193—201: Բ. Առաքելյան. Հայաստանը արաբական տիրապետության առաջին շրջանում և հայերի պայքարն անկախության համար. «Գիտական ժողովածու», XX, Արմֆան, Երևան, 1941, էջ 70—71: А. Тер-Гевондян. Армения и Арабский халифат. Ереван, 1977, с. 33—34. Լեոն ալս արշավանքի տարեթիվն է նշում 651 թ. (Լեոն. Հայոց պատմություն. հ. Բ, Երևան, 1947, էջ 317):

12 Հ. Մանանդյան. նշվ. աշխ., էջ 197—200:

13 Ս. Մ. Մելիք-Բախշյան. Դիտողություններ արարների՝ Հայաստան կատարած առաջին արշավանքների մասին. «Պատմա-բանասիրական հանդես», 1964, № 3, էջ 88: Կոստաս II-ի գահակալության սկիզբը էդ. Դյուլորինն նշում է 642 թ., իսկ Արծափի բերդի գրավումը՝ Հոռի 23-ը, տոմարական հաշվումների հիման վրա համարում է 643 թ. օգոստոսի 10-ի կիրակի օրը (Ed. Dulaugier, նշվ. աշխ., էջ 232. հմտ. М. Ghazarian, նշվ. աշխ., էջ 29, ծ. 1): Ո՞րն է Ս. Մելիք-Բախշյանի տոմարական հաշվումների նորույթը, մանավանդ որ իր հոգվածում նա էդ. Դյուլորինի աշխատությունը չի հիշատակում:

14 Ս. Մ. Մելիք-Բախշյան. Դիտողություններ արարների՝ Հայաստան կատարած առաջին արշավանքների մասին, էջ 88:

15 «История императора Иракла», перев. К. Патканяна. СПб., 1862, с. 211, прим. 207. Հմտ. Հ. Մանանդյան. նշվ. աշխ., էջ 196: Սերեոս, էջ 311, ծ. 498: Վ. Կ. Իսկանյանը չի պահպանում Սերեոսի կողմից նշված դեպքերի ժամանակագրական հաջորդականությունը:

տիրոցի ընտանիքի և մյուսների ազատվելը արքայից, Թեոդորոս Ռշտունու կալանավորվելը և տարվելը Կոստանդնուպոլիս, Վարազտիրոցի փախուստը Տայք և այնուհետև նրա մահը, Թեոդորոս Ռշտունու վերադարձը Հայաստան և այլն)¹⁶ մասին գրելուց հետո: Կնշանակի «ի գալ միւսում ամի» ասելով նա նկատի է ունեցել Կոստաս II-ի 6-րդ տարին՝ 647 թ.: Բացի այդ, Կոստաս II կայսեր գահ բարձրանալու տարեթիվը այժմ ընդունված է համարել ոչ թե 642 թ., այլ 641 թ.¹⁷: Անհրաժեշտ է նկատի ունենալ նաև, որ Սեբեոսի «Պատմությունում» մինչև Կոստասի թագավորության 5-րդ և հաջորդ տարվա մասին եղած տեղեկությունը, Վաղենտինի հետ կապված դեպքերի առնչությունը արդեն խոսվել էր Կոստասի երկրորդ տարվա մասին («յերկրորդում ամի Կոստանդին»)¹⁸: Իսկ եթե ընդունենք, որ պատմիչը հարկ է համարել Կոստաս II-ի 5-րդ և հաջորդ տարվա («ի գալ միւսում ամի») դեպքերը նշելուց հետո կրկին վերադառնալ 2-րդ տարվան, կստացվի այնպես, թե Սեբեոսը Արծափի դեպքերի մի մասը թվագրել է Կոստաս II-ի 5-րդ տարվան հաջորդած «մյուս տարով», մյուսը՝ 2-րդ տարով:

Իրավացի է Հ. Մանանդյանը, երբ Արծափի հետ կապված անցքերի ժամանակը, հետևելով Սեբեոսի «Պատմությունում» տվյալներին, նշում է 645/6 թ. հետո¹⁹, նա իրավացի է նաև նշելով, որ անհրաժեշտ է սրբագրել «յամին երկրորդի Կոստանդինի» ընթերցվածքը: Սակայն կարծում ենք, ոչ Ղևոնդի հաղորդումը 10 տարի տևած դադարի և ոչ էլ Սեբեոսի հաղորդումը բյուզանդական զորավար Պոտկոպի՝ արաբների հետ կնքած զինադադարի մասին, չեն կարող հիմք ծառայել այդ ընթերցվածք սրբագրելու այնպես, ինչպես Հ. Մանանդյանն է առաջարկում («յամին Ը երրորդի Կոստանդինի» կամ «յամին Թ երրորդի Կոստանդինի»): Հ. Մանանդյանը, ընդունելով Ղևոնդի հաղորդումը Մարդուցայքի դեպքերի ժամանակագրման («ի քսան և երկրորդ ամի Աբուբաքրայ և Ամրի, իշխանացն Իսմայելի») մասին, ինչպես նաև քննելով այլ աղբյուրներ, եզրակացնում է, որ այդ արշավանքը տեղի էր ունեցել 642/3 թ.: Հ. Մանանդյանը չի գրում Ղևոնդի հաջորդ հաղորդման («դադարեցին (արաբները—է. Դ.) յելանելոյ ի վերայ աշխարհիս Հայոց ամս Գ»)²⁰ մասին և քննում է պատմիչի կողմից հաղորդած այն տեղեկությունները, ըստ որոնց արաբները գրավեցին Դվինը նշված անձանց իշխանությունն 26-րդ տարում, իսկ 36-րդում՝ 10 տարի դադարից հետո, գրավեցին Արծափը²¹: «Սակայն ժամանակագրական այս սխալ

նր: Վարազտիրոցի մահը նա դնում է մինչ 643 թ.: Իսկ արաբների կողմից Արծափի բերդի պաշարման ժամանակաշրջանը նշում է «գրանից մի քանի տարի անց», առանց տարեթվի տալու: Այնուհետև գրում է, որ Թեոդորոս Ռշտունին հաղթում է նրանց և փախուստի մատնում, որից հետո Թուման անունով ոման պաշտոնյա դալիս և ձերբակալում է նրան, թեև այնուհետև կայսրը արդարացնում է նրան և վերահաստատում իր պաշտոնում (Վ. Կ. Ի ս կ ա ն յ ա ն. Հայ-բյուզանդական հարաբերությունները VII դարում՝ արաբական առաջին արշավանքի ժամանակ. «Պատմա-բանասիրական հանդես», 1971, № 4, էջ 75): Ժամանակին Հ. Մանանդյանը վերանայել է Մ. Չամչյանի, Հ. Համբարյանի և ուրիշների կարծիքները, որոնք ենթադրել են, «որ իբր Սեբեոսի մոտ հիշված նախընթաց դեպքերը տեղի են ունեցել Արծափի առումից առաջ՝ 642 կամ 642—644 թվականներին» (Հ. Մանանդյան. նշվ. աշխ., էջ 196):

¹⁶ Սեբեոս, էջ 143—145:

¹⁷ St'w. «Traité d'études Byzantines I. La Chronologie par V. Grumel». Paris, 1958, p. 347, 357. «История Византии». Г. I, М., 1967, с. 369: «The Cambridge Medieval History». Cambridge, 1966, p. 776. Սեբեոսը գրում է. «Եւ նստուցանէ թագաւոր զԿոստաս զորդի Կոստանդինի, և անուանէ յանուն հարն իւրոյ Կոստանդին»: Պատմիչը Կոստասին նշում է նաև Կոստանդ անունով (էջ 141—142):

¹⁸ Սեբեոս, էջ 142:

¹⁹ Հ. Մանանդյան. նշվ. աշխ., էջ 196:

²⁰ Ղևոնդ, էջ 8. հմմտ. «Ստեփանոսի Տարօնեցոյ Ասողկան Պատմութիւն Տիեզերական»-Վ. Պետերբուրգ, 1885, էջ 120:

²¹ Ղևոնդ, էջ 9—11. հմմտ. Ասողիկ, էջ 121—122:

հաշվումները,— եզրակացնում է Հ. Մանանդյանը,— բնավ իրավունք չեն տալիս մեզ մերժելու Ղևոնդի պարզ ու կարևոր այն տեղեկությունը, որ Արծափի առումը տեղի է ունեցել Դվինի առումից տասը տարի հետո»²²։ 22-րդ տարվա վերաբերյալ հաղորդումը Հ. Մանանդյանը քննում և դնում է 26-րդ տարվա (գիտնականը պաշտպանում է այն կարծիքը, որ Դվինը գրավվեց 640 թ. հոկտեմբերի 6-ին, ուրբաթ) մասին եղած հաղորդումից հետո, ուստի երեք տարվա մասին հաղորդումը նույնպես կտեղաշարժվի և դրանով իսկ կհակադրվի տասը տարվա մասին եղած հաղորդմանը։ Բացի այդ, Հ. Մանանդյանի կողմից նշվող ժամանակագրական (640—650) սահմաններում տաս տարի տեղումնամբ դադար չի եղել։ Հ. Մանանդյանը իր աշխատությունում հատուկ գույս է նվիրել արաբական 642/3 թ. արշավանքին, իսկ Ա. Տեր-Ղևոնդյանը, բացի 642/3 թ. արշավանքից, նշում է նաև Հաբիրի 644 թ. արշավանքը²³ և այլն։ Ուրեմն, Ղևոնդի երկում պահպանված վերոբերյալ ժամանակագրական տվյալները կա՛մ թերի պետք է համարել, կա՛մ էլ դրանց պետք է այլ մեկնաբանություն տալ։

Ինչ վերաբերում է Պոռկուպի մասին հաղորդմանը («գնաց... ի Դամասկոս առ Մալիսս իշխան դարուն Իսմայելի... և առ զհաշտութիւնն և գնաց») ²⁴, ապա այն իրոք կարևոր փաստ է Արծափի հետ կապված դեպքերը 645/6 և 650 թթ. միջև դնելու, սակայն ամենևին ժամանակագրորեն անմիջապես չի հաջորդում նախորդ նյութին։ Բացի այդ, դաշնագրի կնքմանը նախորդել էին բյուզանդա-արաբական ռազմական գործողությունները²⁵։ Սեբեոսի «Պատմության» մեջ այս դաշնագրի մասին եղած ժամանակագրական բնութի տեղեկությունները²⁶ քննելով, Գ. Աբգարյանը եկել է այն եզրակացության, որ բյուզանդա-արաբական եռամյա զինադադարը ավարտվել է Կոստանդի (Կոստաս 11) 11-րդ (652 թ.) տարում, իսկ 12-րդ (653 թ.) տարում սկսվել են ռազմական գործողությունները²⁷։ Ուրեմն, զինադադարը կնքվել է շուրջ 649/50 թ.²⁸։

Թեև Արծափի առումը և Պոռկուպի կնքած զինադադարը Հ. Մանանդյանը դնում է 650 թ., այնուամենայնիվ, այդ տարեթվի կապակցությամբ, դատելով ստորև բերվող տողերից, նա նույնպես որոշ կասկածանք է հայտնում. «Յամին և՛ երրորդի Կոստանդին» ուղղումը չի հարմարվում, որովհետև 649 թ. Հոռի 23-ը կամ օգոստոսի 8-ը գալիս է ոչ թե կիրակի, այլ շաբաթ։ Սակայն նույն այդ ուղղումը կարող էր ընդունելի համարվել, եթե հնարավոր լինելու ասպացուցանել, որ Սեբեոսի մոտ աղճատված է նաև ամսաթիվը՝ «որ ար ի Գ էր ամսոյն» փոխանակ «որ ի էր ամսոյն»։ Այդ դեպքում՝ Արծափի առումը կընկներ 649 թվի օգոստոսի 9-ին, որովհետև այս թվին Հոռի 24-ը կամ օգոստոսի 9-ը դալիս է դարձյալ կիրակի օր՝ համապատասխան Սեբեոսի վկայության։ Նախադասելի համարելով առաջին ուղղումը՝ Արծափի առման թվականը մենք ենթադրում ենք 650 թվի օգոստոսի 8-ին, կիրակի»²⁹։

Բ. Առաքելյանը գտնում է, որ արաբա-բյուզանդական զինադադարը կնքվել էր 648 թ.³⁰։ Իսկ Ա. Տեր-Ղևոնդյանը այդ զինադադարի կապակցությամբ Սեբեոսի մոտ եղած հաղորդման մասին չի գրում, այլ առանց քննելու նշում է, որ Դիոնիսիոս Տիմահրեցու տեղեկության համաձայն, 652—653 թթ. բյու-

22 Հ. Մանանդյան. նշվ. աշխ., էջ 198։

23 А. Тер-Гевондян, նշվ. աշխ., էջ 29—30։

24 Սեբեոս, էջ 147։

25 նույն տեղում։

26 նույն տեղում, էջ 164, 169։

27 նույն տեղում, էջ 357, ծ. 641։

28 Յու. Կուլակովսկին նշում է 651 թ. (Ю. Кулаковский, նշվ. աշխ., էջ 203—204)։

29 Հ. Մանանդյան. նշվ. աշխ., էջ 199—200։

30 Բ. Առաքելյան. նշվ. աշխ., էջ 69։ նույնի՝ «Ժամանակագրական դիտողություններ»։ «Տեղեկագիր» ՍՍՌՄ ԳԱ հայկական ֆիլիալի, 1 (6), 1941, № 1 (6), էջ 62։

զանդական պաշտոնյա Պոռկոպը արաբների հետ զինադադար կնքեց³¹։ Ինչպես տեսնում ենք, Բ. Աւաքելյանը և Ա. Տեր-Ղևոնդյանը 650 թ. Արծափի գրավման մասին չեն Մանանդյանի կարծիքն ընդունելով հանդերձ, այն զրկում են վերը նշված երրորդ ապացույցից, որպիսին չեն Մանանդյանը համարում էր իր կողմից առաջ քաշած ենթադրությունը, թե Արծափի առման և Պոռկոպի կնքած զինադադարի մասին Սեբեոսի մոտ եղած հաղորդումները միևնույն՝ 650 թ. են վերաբերում։

Սեբեոսի երկի հիմնական վերոհիշյալ հաղորդումները ժամանակագրորեն հետևյալ հաջորդականությամբ ունեն։ «յամին հինգերորդի» Կոստասի II-ի, «ի գալ միսում ամի», որի կապակցությամբ հիմնականում հիմնված է Սեբեոսի II-ի, «յամսեանն հոռի, որ ար Ի[2]» էր ամսոյն, յաւուր կիրակէի»։ Այսպիսով, արաբական նշված արշավանքը եղել է Կոստաս II-ի վեցերորդ տարում (647 թ.)։ Ուրեմն, Սրժնիքի բերդի առումը տեղի էր ունեցել Ղ2, հոռի 26, կիրակի (647 թ. օգոստոսի 12, կիրակի)³²։

Յու. Կուլակովսկին, քննելով Թեոփանեսի և Էլիաս Մծբնեցու հաղորդումները Աբդ-Ալլահ իբն Սաիդի գլխավորությամբ արաբական զորքի Աֆրիկա ներխուժելու մասին, որպես ներխուժման թվական է նշում 647 թ.։ Գիտնականը այնուհետև գրում է, որ նույն (647) թվականին արաբները Ատրպատականի կողմից ներխուժեցին Վանա լճի շրջանը և, բաժանվելով երեք խմբի, ասպատակեցին ամբողջ երկիրը։ Դվինի առումը նա նշում է 647 թ. հոկտեմբերի 6-ին ու թեև Արծափի բերդի մասին չի խոսում, սակայն նշում է, որ Կոգովիտում Թեոփորոս Ուտունին շատ գերիների ազատեց³³։ Յու. Կուլակովսկու կարծիքի համար ժամանակագրական տեսակետից հիմք է ծառայել, ըստ երեք վոյթին, Մովսես Կաղանկատովացու վկայությունը՝ Կոստաս II-ի վեցերորդ տարում Դվինի գրավման մասին³⁴։ Արաբների կողմից Դվինի գրավման տարեթվի վերաբերյալ պատմիչների հաղորդած տեղեկությունները, ըստ չ. Մանանդյանի, խառն են ու հակասական և դրանք հիմք են ծառայել «անհատական տարաձայնությունների նաև բանասիրական թե՛ հայ և թե՛ օտար աշխատություններում»³⁵։ Դրանց թվին չեն Մանանդյանը դասում է նաև Յու. Կուլակովսկու վերոհիշյալ կարծիքը։ Եթե այս հարցում չեն Մանանդյանը իրավացի է, ապա Յու. Կուլակովսկու տեսակետը թերի կլինի Դվինի գրավումը 647 թ. ղենելու կապակցությամբ. սակայն մեզ հետաքրքրող արաբական արշավանքը Յու. Կուլակովսկու կողմից 647 թ. թվագրելը ճիշտ է և, ինչպես տեսանք, ապացուցվում է նաև Սեբեոսի ժամանակագրական տվյալների քննությամբ։

647 թ. Հայաստան ներխուժած արաբական զորքի ղեկի Սեպական գրնդի կողմերը և Կոգովիտ գավառի Արծափի բերդը արշաված զորախմբի երթուղու մասին նույնպես տարբեր կարծիքներ են հայտնվել՝ կապված այդ երթուղու վրա հիշատակվող մի տեղանվան հետ, որը անցյալ դարի կեսերից նարդացվել է «յծրեան»։ Հետազոտողների մի մասը կարծել է, որ խոսքը

³¹ А. Тер-Гевондян, *նշվ. աշխ.*, էջ 38։ Զինադադարի հարցում կարծում ենք ավելի ճիշտ կլինի հետևել Սեբեոսի շարադրանքին։ Տեղեկություն մոտ այդ տեղեկությանը նախորդող և հաջորդող հատվածներում («Chronique de Denys de Tell-Mahré, quatrième partie, publiée et traduite par J.-B. Chabot». Paris, 1895, p. 5—9) նկատվում են ժամանակագրական որոշ անճշտություններ։

³² Տոմարական հաշվումները կատարել ենք Բ. Թումանյանի և Չ. Բադալյանի կողմից հրատարակած աղյուսակների հիման վրա (տե՛ս Բ. Ծ. Թումանյան, Առձեռն տոմարացույց, Երևան, 1965, էջ 16, 34։ Չ. Ս. Բադալյան, Օրացույցի պատմություն, Երևան, 1970, էջ 35)։

³³ Յու. Կուլակովսկին միևնույն ժամանակ գրում է, որ Սեբեոսը այս արշավանքը ղենում է Կոստանդի բերդորդ տարում (նշվ. աշխ., էջ 199—202)։

³⁴ «Մովսեսի Կաղանկատուցուց Պատմութիւն Աղուանից աշխարհի», Մոսկվա, 1860, էջ 255։

³⁵ Չ. Մանանդյան, *նշվ. աշխ.*, էջ 183։

այժմյան մայրաքաղաք Երևանի մասին է (Հ. Շահխաթունյան, Թ. Հակոբյան, Մ. Յովհաննէսյան Ս. Մելիք-Բախշյան և ուրիշներ), մյուսները այն սրբազրիկ և մեկնում են «Հեր» (Հ. Մանանդյան, Գ. Աբգարյան). գոյություն ունի նաև այն կարծիքը, թե տեղանունը համապատասխանում է Առեստավանին (Թ. Ավդալբեգյան)³⁶:

Գ. Աբգարյանը Սեբեոսի «Պատմության» նոր հրատարակությունում, ի տարբերություն բոլոր տպագրերի և անցյալ դարակեսին ընդօրինակված ձեռագրերի, այդ տեղանունը, ըստ Մատենադարանում պահվող № 1343 ձեռագրական պատառիկի և № 2639 ձեռագրի, ուղղում է «ի Հէրեան» և այն մեկնում «Հէր և անդ», նշելով, որ դրանով հաստատվում է Հ. Մանանդյանի կարծիքը՝ «Երևան» անունը «Հեր»-ով փոխարինելու մասին»³⁷: Գ. Աբգարյանի վերականգնած «ի Հէրեան» ընթերցվածը մեզ համար խիստ արժեքավոր է այն տեսակետից, որ, ինչպես ստորև կնշենք, մենք այն նույնացնում ենք Ասողիկի կողմից հիշատակվող մի տեղանվան հետ:

Սեբեոսի «Պատմության» վերոհիշյալ հաղորդումներին զգալիորեն համահնչուն են Ղևոնդի երկի հետևյալ տողերը. «Հազարացիքն... զօր ժողովեալ դարձեալ յարձակեցան ի վերայ աշխարհիս Հայոց. որոց էին գլխաւոր Օթման և Օգբայ: Եւ իբրև հասին ի սահմանս Հայոց՝ յերիս բաժանեալ առաջս՝ սփռեցան յասպատակս իւրեանց: Առաջ մի հատեալ ընդ կողմն Վասպուրական աշխարհին՝ առին զաւանս և զամրոցս որ մինչև ի նախջաւան քաղաք. և առաջ մի ընդ կողմն Տարօնոյ: Եւ միւս առաջ հասեալ ի Կոգովիտ՝ պաշարէին զամրոցն Արծափաց: Այնուհետև Ղևոնդը պատմում է ամրոցը գրավելուց հետո թշնամու կողմից գործած ռմրագործությունների և Թեոդորոս Ռշտունու գլխավորած հայոց զորքի կողմից նրանց կրած պարտության մասին³⁸: Համարյա նույն տեղեկություններն է հաղորդում Ասողիկը³⁹:

Սեբեոսի և Ղևոնդի (համտ. Ասողիկ) հաղորդումներին համադրությունը ցույց է տալիս, որ Ղևոնդը, թեև գիտի արաբական զորքի երեք խմբի բաժանվելու մասին, սակայն փաստորեն նշում է այն վայրերը, որոնք համապատասխանում և լրացնում են Սեբեոսի կողմից հիշատակված երկրորդ զորախմբի երթուղու մասին եղած տեղեկությունները: Անհրաժեշտ է նշել, որ Կոգովիտը, որը Այրարատ նահանգի 13-րդ գավառն էր⁴⁰, չի եղել դեպի Այրարատ գնացած արաբական առաջին զորախմբի երթուղու մեջ:

Այսպիսով, արաբական երկրորդ զորախմբի երթուղին հետևյալն էր. ըստ Սեբեոսի՝ «կողմանք Սեպհական գնդին»—Հէրեան—Կոգովիտ: Ըստ Ղևոնդի՝ «կողմն Վասպուրական»⁴¹—«կողմն Տարօնոյ»—Կոգովիտ:

36 Այս հարցի շուրջ գոյություն ունեցող կարծիքների մանրամասն քննությունը տե՛ս Գ. Վ. Աբգարյան. «Երևանի» բերդի հնագույն հիշատակությունը. ՀՍՍՀ ԳԱ «Լրաբեր հաս. գիտ.», 1972, № 8, էջ 24—31: Հետազոտողները, ենթադրելով, որ Սեբեոսի երկում խոսքը գնում է Երևանի մասին, նշել են, որ այդ «հաղորդումը VII դ. Երևանի մասին միակ հիշատակությունը չէ» և վկայակոչել են նաև Հովհաննես Դրասխանակերտցու (էջ 92) և Սամվել Անեցու («Սամուէլի քահանայի Անեցոյ Հաւաքմունք ի գրոց պատմագրաց». Վաղարշապատ, 1893, էջ 83) հիշատակությունները «Երևանի կովի» մասին (տե՛ս Թ. Խ. Հակոբյան, Ա. Պ. Սիմոնյան. Երևան 2750. Երևան, 1968, էջ 31): Վերջերս Ա. Տեր-Ղևոնդյանը, հիշատակելով Հ. Մանանդյանի և Գ. Աբգարյանի տեսակետը, միևնույն ժամանակ կարծիք է հայտնել, որ «Երևանը» գտնվում էր Վասպուրականում (նշվ. աշխ., էջ 34 և ծ. 83):

37 Սեբեոս, էջ 145, 314, ծ. 512: ՀՍՍՀ ԳԱ «Լրաբեր հաս. գիտ.», 1972, № 8, էջ 30—31:

38 Ղևոնդ, գլ. Գ, էջ 11: Հ. Մանանդյանը նշել է, որ Սեբեոսի և Ղևոնդի երկերում Արծափի առման մանրամասնությունները համապատասխանում են միմյանց (նշվ. աշխ., էջ 194—195):

39 Ասողիկը «կողմն Տարօնոյ» փոխարեն նշում է «ի Տարօն» (Ասողիկ, էջ 121—122): Պատմիչը նախնականի պաշարման մասին չի հիշատակում:

40 Տե՛ս Ս. Տ. Երեմյան. Հայաստանն ըստ «Աշխարհացոյց»-ի. Երևան, 1963, էջ 59:

41 Նախնական քաղաքի հիշատակությունը պետք է լինե՛ր այն իրողության արտացոլումը, որ Ղևոնդը, ըստ երևույթին, տեղյակ էր արաբների կողմից այդ տարի դրան հասնելուն և բացի

Հայադիտության մեջ պարզված է, որ «կողմանք Սեպհական գնդին» համապատասխանում է Վասպուրականը: Հարցի քննությունը սկիզբ է առել Ղ. Ալիշանի այն դիտողությունից, որ Մարզպետական տոհմը «կոչվել է նաև «Սեպհական»⁴²: Այդ նույնությունը առկա է «Գիրք թղթոցում»⁴³: Իսկ Հ. Հյուբշմանը գրում է, որ «կողմանք Սեպհական գնդին» նշանակում է Տուրուբերան նահանգը, նշելով նաև, որ դրանք ճիշտ իրար չեն համապատասխանել⁴⁴: Գ. Փառնակը քննադատում է Հ. Հյուբշմանի տեսակետը և կարծիք է հայտնում, որ «ցարդ անլոյծ մնացած «Սեպհական գնդին կողմանք»-ի նշանակությունն է Վասպուրական»⁴⁵: Ն. Ադոնցը քննում է «Գիրք թղթոցի» նյութը և «Մարզպետական» — «Սեպհական» նույնության հարցում հետևում է աղբյուրին, ինչպես նաև նշում է. «Васпуракан» կամ «Сепуракан»⁴⁶: Թ. Ավդալբեգյանը նույնպես այն կարծիքին է, որ «կողմանք Սեպհական գնդին» նույն Վասպուրականն է⁴⁷: Բ. Առաքելյանը այլ կարծիքի է: Նա գրում է. «Մյուս բանակը հետապնդելով Սեպհական գնդին...»⁴⁸: Անհրաժեշտ է նշել Ն. Ադոնցի այն կարծիքը, որ աղբյուրներում «Սեպհական» և «Վասպուրական» անունների դուգահեռ օգտագործումը պետք է բացատրվի նրանով, որ աշխարհագրականորեն դրանք տարբեր մեծություններ են՝ մեկը հարաբերում է մյուսին, ինչպես մասն ամբողջին⁴⁹:

Արաբական զորախումբը «Հէրեան» էր հասել, ըստ Սեբեոսի, «Սեպհական գնդի կողմերը» ասպատակելուց հետո: Քանի որ Սեբեոսի և Ղևոնգի հաղորդումներում առաջին («Սեպհական գնդի կողմերը», «կողմն Վասպուրական») և երրորդ (Կոգովիտ) պատմաաշխարհագրական տեղեկությունները նույնն են, մնում է միայն հետևեցնել, որ «Հէրեանը» պետք է գտնվեր «Տարոնի կողմերում» («կողմն Տարոնոյ»): Անանիա Շիրակացու «Աշխարհացոյցից» հայտնի է. «Տարուբերան որ է Տարոն» («Տարուբերան լոր է կողմն Տարանոյ») ⁵⁰: Հ. Հյուբշմանը գրում է. «Եթե այս (Տարուբերան կամ Տուրուբերան — է. Դ.) երկրին անուն տալ ուզվեր՝ առանց այս կամ այն գավառը թվել ուղեւու, մերձավորապես կրպներ «կողմն Տարանոյ», վասն զի Տարոն ամենեն ծանոթն էր»: Եվ այնուհետև, որպես փաստարկ նշում է Փավստոս Բուզանդի երկի հետևյալ տողերը. «յԱրշամունեաց տեղացն ի նահանգէն Տարոն գաւառէն»⁵¹:

այդ այն Վասպուրականի ծայր արևելյան դավառներից՝ նույնանուն նախնական դավառում էր գտնվում: Պատմիչը նշելով, որ արաբները ասպատակեցին «կողմն Վասպուրական աշխարհին», դրանով իսկ նշում է նաև դրա արևելյան ծայրագավառներից մեկը:

42 Ղ. Ալիշան. Այրարատ. Վենետիկ, 1890, էջ 420:

43 «Գիրք թղթոց». Թիֆլիս, 1901, էջ 41, 70, 73, 76, 81, 146, 151, 196, 558:

44 Հ. Հյուբշման. Հայոց տեղվո անուններ. Վիեննա, 1907, էջ 31:

45 Գ. Փառնակ. «Հայ նախարարները». «Անահիտ», Հանդես Ամսեայ, 1907, №№ 1—2, էջ 21, ծ. 1: Տե՛ս նաև Հ. Աճառյան. Հայերեն արմատական բառարան. հ. Դ, Երևան, 1979, էջ 202: Գ. Փառնակը չի գրում արաբական նախորդ արշավանքների մասին և նշված արշավանքը առաջինն է համարում:

46 Н. Адонц. Армения в эпоху Юстиниана. СПб., 1908 (Ереван, 1971), с. 234, 318—320.

47 Թ. Ավդալբեգյան. Հայադիտական հետազոտություններ. Երևան, 1969, էջ 141—145: Գ. Աբգարյանը համամիտ է այս կարծիքին (տե՛ս Սեբեոս, էջ 313—314, ծ. 511):

48 Բ. Առաքելյան. Հայաստանը արաբական տիրապետության առաջին շրջանում և հայերի պայքարն անկախության համար, էջ 70:

49 Н. Адонц, նշվ. աշխ., էջ 319:

50 «Աշխարհացոյց Մովսեսի Խորենացու». Վենետիկ, 1881, էջ 29: Ս. Ս. Երեմյան. Հայաստանը ըստ «Աշխարհացոյց»-ի, էջ 85, 107:

51 «Փավստոսի Բուզանդացու Պատմութիւն Հայոց». Ս. Պետերբուրգ, 1883, էջ 104: Հ. Հյուբշման. նշվ. աշխ., էջ 80—81:

Այսպիսով, եթե «կողմն Տարաւոյ» կարող էր նաև Տուրուբերան նահանգի իմաստով գործածված լինել, ուրեմն «Հէրեան» պետք է փնտրել Տուրուբերանում: Եթե ընդունենք, որ արաբական ասպատակող զորախմբի երթուղին անցել է Վասպուրականով և Տուրուբերանով, ուրեմն կարելի է եզրակացնել, որ Այրարատ նահանգի Կոզովիտ գավառին այն հասել է Տուրուբերան նահանգի Տարոն, Հարբ և Ապահունիք գավառներով: Կարծում ենք, որ «Հէրեան» բերդը պետք է փնտրել Հարբում: Այն պետք է համապատասխաներ Դավիթ Անհաղթի (V դար)՝ Ասողիկի հիշատակած ծննդավայրին. «Դավիթ՝ աշակերտ Մովսիսի ի Հարբ գաւառէ ի Հերեան գեղջէ»⁵²: «Հէրեան» և «Հերեան» ընթերցվածները ըստ իս պետք է վերաբերեն միևնույն բնակատեղին:

Այսպիսով «Սեպհական գնդի կողմերը» ներխուժած արաբական զորախումբը, ասպատակելով Վանա լճից հարավ և արևմուտք ընկած շրջանները, ներխուժեց Տուրուբերան («կողմն Տարոնոյ»): Այն անհաջողության մատնվեց Հարբ գավառի Հէրեան (Հերեան) բերդի մոտ: Այնուհետև, Կոզովիտում չկարողանալով գրավել Որդսպուի բերդը, արաբական զորքը պաշարում է Արծափի բերդը: Պաշարվածներին Կոզովիտի Դարույնք բերդից օգնություն ուղարկելու կապակցությամբ Սեբեոսը հիշատակում է Սմբատ Բագրատունուն, ուրի անձնավորության մասին տարբեր կարծիքներ գոյություն ունեն: Բ. Առաքելյանը գրում է. «Երկրորդ բանակը Օթմանի և Օգոմայի գլխավորությամբ, Երևանի և Որդսպուի անհաջող պաշարումից հետո, շարժվելով դեպի Արծափ մեծ բերդը, պաշարում է այն: Բերդի պաշտպանությունը գլխավորում էր Սահակ Բագրատունին, Վարազտիրոցի որդին: Արաբական զորքը մեծ վնասներ է հասցնում բերդին, բայց չի կարողանում գրավել: Աշոտ Բագրատունին Դարոնից բերդից (Դարան) օգնություն խնդրելու համար 40 մարդ է ուղարկում այնտեղ»⁵³: Բ. Առաքելյանը գտնում է, որ Սահակը Վարազտիրոցի որդին էր և գլխավորում էր Արծափի պաշտպանությունը, իսկ Դարույնքի գլխավոր համարում է Աշոտ Բագրատունուն: Այս ենթադրության հիմքը մեզ հայտնի չէ:

Սեբեոսը Արծափի պաշտպաններից ոչ մեկի անունը չի տալիս, իսկ Դարույնքի իշխան է նշում Սմբատ Բագրատունուն՝ Վարազ-Սահակի որդուն: Արծափի և Դարույնքի կապակցությամբ պատմիչը Աշոտ Բագրատունուն չի հիշատակում: Սեբեոսը հիշատակություն ունի Պապ Բագրատունու հոր՝ Աշոտ ասպետի մասին, որ վերաբերում է 596 թ.⁵⁴:

Գ. Վ. Աբգարյանը քննում է է. Դյուրորիեի, Ղ. Ալիշանի, Մ. Յովհաննէսյանի կարծիքները, որոնք գտնում են, որ Սեբեոսի մոտ խոսքը պետք է Վարազտիրոցի և նրա որդի Սմբատի մասին լինի: Գ. Վ. Աբգարյանը եզրակացնում է. «Արդ, եթե Արծափի պաշտպանները գնացել են հենց «Ի Դարինս» և այնտեղ հանդիպել են Սմբատ Բագրատունուն՝ կնշանակի զա միևնույն Սմբատն է, Վարազ-Տիրոցի որդին: Մենք «Վարազ-Սահակը» կսրբագրեինք «Վարազ-Տիրոց», եթե վստահ լինեինք, որ Վարազ-Տիրոցը չի կոչվել նաև Վարազ-Սահակ»⁵⁵:

⁵² Ասողիկ, էջ 80—81: Դավիթ Անհաղթի ծննդավայրի մասին տե՛ս նաև՝ Ղ. Ինճիճյան. Ստորագրություն հին Հայաստանեայց. Վենետիկ, 1822, էջ 120: Ն. Ակիբյան. Դավիթ Հարբացի Անհաղթ Փիլիսոփայ. Վիեննա, 1959, էջ 71: Հ. Աճառյան. Հայոց անձնանունների բառարան. հ. Բ, Երևան, 1944, էջ 24: Հերեանի տեղագրության մասին Հարբ գավառում, խաչան լճից հարավ՝ Կորի գավառակում տե՛ս Ս. Գ. Երեմյան. Тарон в древности и средних веках (ներդիր քարտեզ Ղ. Վ. Այվազյանի՝ «История Тарона и армянская литература IV—VII вв., Ереван, 1975 գրքում): «Գիրք թղթոցում» (էջ 151) հիշատակվում է «Դավիթ Երևանայ» երեցը (VII դ.), որին լպետք է շփոթել Դավիթ Անհաղթի հետ, որը, ինչպես նշվեց, Հարբ գավառի Հերեան գյուղից էր:

⁵³ Բ. Առաքելյան. նշվ. աշխ., էջ 70:

⁵⁴ Սեբեոս, էջ 94:

⁵⁵ Նույն տեղում, էջ 315, ծ. 516:

առ այն զար, որ մարտ եղեալ կռուէին ընդ բերդին նախճաւան: Բայց սահայն ոչ կարացին առնուլ զնա: Առին զբերդն խրամայ և սատակէին զնոսա սրով, և զկանայս և զմանկունս գերի վարեցին»⁶³: Այրարատյան կողմերը զնացած զորախումբը պետք է այնուհետև ներխուժած լիներ Տայոց և Վրաց կողմերը: Արարատյան զորախմբի երթուղու առնչությամբ հիշատակվող Ադվանքը վերաբերելու է երրորդ՝ Ադվանքի կողմերը ներխուժած արաբական զորքի անցած ճանապարհին: Այդ զորախումբը պետք է վերադարձած և պաշարած լիներ նախճավանը: Այս ալս երրորդին է միանում առաջին՝ Այրարատյան (այնուհետև Տաւրի և Վիրքի) կողմերը ներխուժած և ապա վերադարձած զորախումբը:

647 թ. արշավանքի ժամանակ Հերեան (Հէրեան), Որդսպու, Արծափ, նախճավան բերդերի մոտ արաբների կրած պարտութունները ցույց տվեցին հայ ժողովրդի աննկուն կամքը՝ պաշարել նոր նվաճողի՝ Արաբական խալիֆայության դեմ:

АРАБСКИЙ ПОХОД В АРМЕНИЮ В 647 ГОДУ

Э. Л. ДАНИЕЛЯН

(Резюме)

С началом завоеваний Арабского халифата, со сменой персидско-византийского противоборства арабо-византийским, Армения вновь стала ареной нашествий и военных действий. Сопоставление сообщений Себеоса, Гевонда и Асогика об очередном арабском походе показывает, что арабское войско, вторгшееся со стороны Атрпатакана в Армению, разделилось на три части. Первая опустошила Айрарат, Тайк и Иверию. Вторая часть арабского войска разорила «край Сепакан» (Васпуракан) и вторглась в «край Тарона» (Тавруберан-Туруберан). Захватчики встретили упорное сопротивление у крепости, называемой Себеосом «hЭреван». Относительно локализации этой крепости высказаны разные мнения. Некоторые исследователи (Шахатунян, Т. Акопян и др.) полагают, что речь идет о городе Ереване, другие (Я. Манандян, Г. Абгарян) отождествляют ее с Гером. Высказано также мнение о ее тождестве с Ареставаном (Т. Авдалбемян). Однако, как выясняется, hЭреван (Հէրեան) идентичен упоминаемому Асогиком hЕреану (Հերեան) в гаваре hАрк (в области Тавруберан). Из области Тавруберан захватчики вторглись в гавар Коговит, где, встретив сопротивление у крепости Ордспу, осадили крепость Арцап, которую затем взяли (12.VIII.647 г.). Подоспевшее армянское войско во главе с Теодоросом Рштуни разбило их наголову. Третья часть арабского войска вторглась в Албанию и опустошила ее. Возвратившись в Армению, она вместе с присоединившейся к ней первой частью войска осадила Нахчаван. Не сумев взять город, захватчики двинулись к крепости Храм, после взятия которой многих защитников истребили, а женщин и детей увели в плен.

Этот поход некоторые исследователи (Э. Дюлорье, М. Казарян, М. Орманиян, Н. Акинян, С. Мелик-Бахшян и др.) датируют 643 годом, другие (Я. Манандян, Б. Аракелян, А. Тер-Гевондян)—650 г. Исследование сообщений Себеоса подтверждает мнение Ю. Кулаковского, согласно которому этот поход имел место в 647 г.